

## Konkurs za eTwinning ambasadore u Bosni i Hercegovini

Obavještavamo Vas da eTwinning Državna služba za podršku-Agencija za predškolsko, osnovno i srednje obrazovanje (DSP) raspisuje konkurs za četiri eTwinning ambasadora koji rade sa djecom predškolskog, osnovnoškolskog i srednjoškolskog uzrasta u Bosni i Hercegovini.

DSP bira ambasadore na period dvije godine.

eTwinning ambasadori trebaju biti iskusni korisnici eTwinning portala, koji su zainteresirani da učestvuju u promociji eTwinning portala i eTwinning aktivnosti u regionu svoje škole i šire.

Zadaci eTwinning ambasadora su:

- pružanje pomoći DSP-u prilikom organizovanja događaja unutar BiH u vezi s promocijom eTwinning portala i pojašnjavanjem osnova ili detalja za rad portala
- organizovanje i samostalno provođenje promotivnih i edukativnih događaja i obuka u školama i predškolskim ustanovama u BiH u koordinaciji s DSP-om s ciljem povećanja broja registriranih eTwinnera, povećanja broja e-Twinning projekata i njihovog kvaliteta
- organizovanje onlajn obuka korištenjem IKT (informaciono-komunikacijskih tehnologija) alata. Softver za onlajn obuke osigurava DSP.
- doprinos u razmjeni primjera dobrih praksi s kolegama u BiH i u drugim zemljama
- učešće na sastancima, konferencijama i seminarima samostalno ili sa ostalim eTwinning ambasadorima u zemlji ili inostranstvu na koje ih uputi DSP ili dobije poziv organizatora događaja, a uz saglasnost DSP-a
- pružanje drugih informacija u vezi sa provođenjem eTwinning-a u BiH i druga vrsta pomoći DSP-u.

Tokom planiranja i provođenja navedenih aktivnosti neophodno je da ambasadori tijesno sarađuju s DSP-om i od nje dobiju saglasnost za svoje aktivnosti, posebno u slučajevima kada one podrazumijevaju i potrebu za finansijskom podrškom. DSP će snositi putne troškove za sve događaje na koje uputi ambasadore.

### Uslovi za prijavu

Zainteresovani kandidati trebaju ispunjavati sljedeće uslove:

- da su zaposleni u predškolskoj, osnovnoškolskoj ili srednjoškolskoj ustanovi u BiH
- da su registrovani na eTwinning portalu
- da su osnivači najmanje jednog evropskog eTwinning projekta i da su partneri u najmanje jednom eTwinning projektu, kao i da značajno doprinose ovim projektima (rezultati moraju biti vidljivi kroz aktivnosti u Twinspace dijelu projekta)
- da dobro govore engleski jezik (međunarodni događaji namijenjeni eTwinning ambasadorima održavaju se najčešće na engleskom jeziku, razmjena primjera dobre prakse s drugim zemljama učesnicama eTwinninga se, također, odvija na engleskom jeziku)
- da koriste IKT alate neophodne za rad na eTwinning portalu (alati za komunikaciju, pretraživanje, razmjenu materijala i oglašavanje)
- da imaju razvijene organizacijske, komunikacijske i prezentacijske vještine.

## Odabir kandidata

Kandidati koji su ušli u uži izbor bit će obaviješteni putem e-maila.

Konačna odluka o odabiru eTwinning ambasadora iz BiH bit će donesena krajem decembra 2018. godine i to na osnovu cjelokupne prijave kandidata. Prilikom odabira eTwinning ambasadora vodit će se računa o geografskoj zastupljenosti predstavnika ustanova iz različitih dijelova BiH, o tipovima institucija u kojima rade, te o uzrastu djece s kojom rade.

eTwinning ambasadori obavezni su da tokom obavljanja dužnosti ambasadora budu aktivni i da o svojim aktivnostima obavještavaju DSP. Ukoliko ambasador tokom dvogodišnjeg perioda djelovanja u toj ulozi nije aktivan u periodu dužem od dva mjeseca, izuzev perioda juli-august i decembar-januar, DSP zadržava pravo da ambasadora razriješi dužnosti.

Napomena: Naglašavamo da se aktivnosti eTwinning ambasadora često preklapaju s radnim vremenom zaposlenih u predškolskoj ustanovi, osnovnoj ili srednjoj školi.

## Kako se prijaviti?

Poziv za konkurs za eTwinning ambasadora bit će otvoren od 10.12.2018. godine i objavljen na [www.aposo.gov.ba](http://www.aposo.gov.ba) i na eTwinning BiH FB stranici. Onlajn prijavni obrazac možete popuniti klikom na link: <https://docs.google.com/forms/d/1T3LwACPFfuBYsQ9Bvx1sjs8iJqwPWd4jTCTUaPuo-l8/edit>

Uz obrazac je potrebno da na e-mail adresu [etwinningbih@aposo.gov.ba](mailto:etwinningbih@aposo.gov.ba) pošaljete:

- motivaciono pismo
- biografiju osobe u Europass formatu.

Konkurs ostaje otvoren do 19.12.2018. godine, a sve dodatne informacije možete dobiti na broj telefona 033/942-852/855 ili putem e-maila [etwinning@aposo.gov.ba](mailto:etwinning@aposo.gov.ba)